

¡BOMBA!

Celebremos nuestro gane,
pero también hay horrores
en Venezuela temblores
exigen que nos hermane



K'uintsil

Jueves 25 de junio de 2026

CAMPECHE · YUCATÁN · QUINTANA ROO · AÑO 11 · NÚMERO 2753 · www.lajornadamaya.mx

Ka'atéen tu tíitubáaj lu'umil Venezuela; yaan ka'anal kúuchilo'ob jníik tu kaajil Caracas

Le miércoles máanika, p'el máanik 6 u taal u chíinil k'iin tu kaajil Venezuelae', tu tíitubáaj lu'um ka'atéen, yóok'olal túun le je'elo', yaan kúuchilo'ob jníik tu noj kaajil Caracas.

Servicio Geológico ti' u noj lu'umil Estados Unidose' tu ts'áaj k'ajóoltbile', ka'aj tu yáax tíitubáaj lu'ume' tu beetaj yéetel u muuk'il 7.1, yéetel u chuune' ti' yanchaj tu

chik'inil u kaajil Morón, kex 168 kilómetros náach ti' u chik'inil Caracas. U tíitkubáaj lu'ume' taamchaj 13 kilómetros.

Tu jo'olj chéen jayp'éeel minutose', USGSe' tu ts'áak' k'ajóoltbil tu ka'a tíitubáaj lu'um ba'ale' maas jach chich ti' le yáaxo' tumen tu chukaj 7.5. Beey túuno', ka tu ka' tíitubáaje', taamchaj 10 kilómetros, yéetel u

chuune' ti' yanchaj 16 kilómetros tu nojol lak'inil Morón.

U kúuchil Centro de Alerta de Tsunamis del Pacífico de Estados Unidos tu k'a'aytaj u sajbe'entsil u yantal tsunamis tu noj lu'umil Puerto Rico yéetel Islas Vírgenes.

Tu kaajil Caracase', kajnáalo'obe' tu p'ato'ob kúuchilo'ob káaj u yóok'ot ka'aj

p'áato'ob táankab; ya'abach ti' leti'obe' jak'a'an u yóolo'ob úuchik u yilko'ob bix níik le pak'o'obo'.

U ministroil Interior, Diosdado Cabello tu ya'alaj úuchik u tíitkubáaj lu'ume' u'uytaj ti' jejeláas estados yéetel tu k'áataj ti' kaaje' ka p'áata'ak táankab, tumen ma' xaan wa je'el u ka' péek lu'umi'.

La Jornada / P 27
Oochel REUTERS

